


## ეკონომიკური ზრდის ტემპი



**2016**

**რეალური მშპ**



**3.2%**

*წვლილი ზრდაში*

რეალური  
მოხმარება



+ 1.5%

რეალური  
ინვესტიციები



+ 1.1%

წმინდა  
ექპორტი



+ 0.6 %

# მაკროეკონომიკური პროგნოზები

## პარლამენტის საბიუჯეტო ოფისი

მაკროეკონომიკური ანალიზისა და საგადასახადო პოლიტიკის განყოფილება

## მაკროეკონომიკური პროგნოზები

*განახლებული*

ივნისი, 2016 წელი

**ანგარიშის შესახებ:** პარლამენტის საბიუჯეტო ოფისის მანდატის შესაბამისად, დამოუკიდებელი მაკროეკონომიკური პროგნოზები მიზნად ისახავს წარმოდგინოს ძირითადი მაკროეკონომიკური ინდიკატორების ალტერნატიული საპროგნოზო მაჩვენებლები.

**შენიშვნა:** პარლამენტის საბიუჯეტო ოფისის მიერ წარმოდგენილი მაკროეკონომიკური პროგნოზების განახლება განხორციელდება წელიწადში ორჯერ დაგეგმილი საბიუჯეტო პროცესის შესაბამისად.

ელ-ფოსტა:

[pbo@parliament.ge](mailto:pbo@parliament.ge); [lkavtaradze@parliament.ge](mailto:lkavtaradze@parliament.ge);  
[vchalapeikrishvili@parliament.ge](mailto:vchalapeikrishvili@parliament.ge); [tsopromadze@parliament.ge](mailto:tsopromadze@parliament.ge)

## შინაარსი

პროგნოზირების მოდელის შესახებ.....	3
რეალური სექტორი .....	4
ფისკალური სექტორი .....	6
საგარეო სექტორი .....	9
მონეტარული სექტორი .....	11

## პროგნოზირების მოდელის შესახებ

პარლამენტის საბიუჯეტო ოფისის მიერ შემუშავებული მაკროეკონომიკური პროგნოზირების მოდელი (PBOMFIM) არის თავისებური საერთაშორისო სავალუტო ფონდის (International Monetary Fund) ფინანსური პროგრამირებისა და პოლიტიკის მოდელის სტრუქტურასთან, რომელიც ეკონომიკური თეორიებიდან გამომდინარე ერთმანეთთან აკავშირებს ოთხ ძირითად სექტორს:

- რეალური სექტორი
- ფისკალური სექტორი
- საგარეო სექტორი
- მონეტარული სექტორი

საბიუჯეტო ოფისი მაკროეკონომიკურ მოდელში აღნიშნულ სექტორებს შორის კავშირები წარმოდგენილია განტოლებების სახით, რომელიც იყოფა სამ ძირითად ჯგუფად:

1. **სააღრიცხვო იგივეობა:** მოიცავს ისეთ განტოლებებს, რომლებიც ასახავს სახელმწიფო ანგარიშსწორების იგივეობებს. მაგალითად, მთლიანი შიდა პროდუქტი უტოლდება მოხმარების, ინვესტიციების, სახელმწიფო დანახარჯებისა და წმინდა ექსპორტის ჯამს.

2. **ეკონომეტრიკული განტოლებები:** ასახავს კავშირებს ცვლადებს შორის რომელიც ეყრდნობა ეკონომიკურ მოდელებს. მაგალითად, სამომხმარებლო ხარჯების განტოლება ეყრდნობა დაშვებას, რომ რეალურ მშპ-სა და სესხების რეალურ საბაზრო საპროცენტო განაკვეთს გავლენა აქვს სამომხმარებლო ხარჯების მოცულობაზე. ამასთან აღსანიშნავია, რომ ეკონომიკური განტოლებების შესადგენად გამოყენებულია ისეთი ეკონომიკური მოდელები, როგორებიცაა, ავტორეგრესიული მცოცავი საშუალოს მოდელი, ვექტორული ავტორეგრესია, შეზღუდული ვექტორული შეცდომის შესწორების მოდელი, უმცირეს კვადრატთა მეთოდის შეცდომის შესწორების მოდელი, ბაიესიანური ვექტორული ავტორეგრესიის მოდელი, დროში ცვალებადი პარამეტრული მოდელი. ამასთანავე, მაკროეკონომიკური პროგნოზირების მოდელში დაშვებები გაკეთებულია 51 მაკრო-ფისკალურ ცვლადზე, საიდანაც 16 ეგზოგენური დაშვებაა, 31 წარმოდგენს მაკრო-ეკონომეტრიკული მოდელებიდან მიღებულ შეფასებებს (25 მოდელიდან მიღებული შედეგებია, ხოლო 6 მათზე დაფუძნებული გაანგარიშებები) და 4 ცვლადის დაშვება გაკეთებულია ექსპერტული შეფასების საშუალებით.

3. **ტექნიკური განტოლებები:** მოიცავს კავშირებს ცვლადებს შორის, რომელიც ეყრდნობა ისტორიული მონაცემებიდან და სტილიზირებული ფაქტებიდან გაკეთებულ დაშვებებს. მაგალითად, მომსახურების ექსპორტის პროგნოზული მონაცემი ეყრდნობა დაშვებას, რომ მომსახურების ექსპორტის წილი მთლიანი ექსპორტის მოცულობაში უტოლდება ბოლო სამი წლის წილის საშუალოს.

მაკროეკონომიკური პროგნოზირების მოდელი ეყრდნობა 1996Q1-2015Q3 წლების კვარტალურ მონაცემებს. მონაცემთა ბაზა შედგენილია შემდეგი ორგანიზაციების მიერ წარმოდგენილი მონაცემებით.

საქართველოს სტატისტიკის ეროვნული სამსახური - რეალური სექტორის ცვლადები

საქართველოს ფინანსთა სამინისტრო - ფისკალური სექტორის ცვლადები

საქართველოს ეროვნული ბანკი - საგარეო სექტორისა და მონეტარული სექტორის ცვლადები


## რეალური სექტორი

პარლამენტის საბიუჯეტო ოფისის პროგნოზით, 2016 წელს საქართველოს ეკონომიკა 3.2%-ით გაიზრდება. აღნიშნული პროგნოზი ემყარება როგორც შიდა ეკონომიკურ აქტივობას, ასევე ითვალისწინებს საქართველოს მთავარი სავაჭრო პარტნიორი ქვეყნების ეკონომიკური ზრდის წინასწარ შეფასებებსა და პროგნოზებს.


მშპ-ს 3.2%-იანი პროგნოზი 0.3%-ლი პუნქტით ნაკლებია საბიუჯეტო ოფისის მიერ 2016 წლის იანვარში გამოქვეყნებული პროგნოზის მაჩვენებელზე. აღნიშნული შემცირება ძირითადად გამოიწვია შემდეგმა ორმა ფაქტორმა: პირველი, საერთაშორისო სავალუტო ფონდმა და სხვა საერთაშორისო ორგანიზაციებმა შეამცირეს საქართველოს ძირითადი სავაჭრო პარტნიორი ქვეყნების ეკონომიკური ზრდის პროგნოზი, და მეორე, 2015 წლის IV კვარტალის დაზუსტებული რეალური მშპ-ის ზრდის ტემპი მცირედით ნაკლებია საბიუჯეტო ოფისის მიერ იანვარში გაკეთებულ შეფასებაზე.

ამასთანავე, საბიუჯეტო ოფისის პროგნოზით, 2017-2020 წლების საშუალო ეკონომიკური ზრდის ტემპი 4.7%-ს შეადგენს, ხოლო ფინანსთა სამინისტროს მიერ წარმოდგენილი ანალოგიური მაჩვენებელი 5.5%-ს<sup>1</sup> უტოლდება.

რაც შეეხება ნომინალურ მშპ-ს ერთ სულ მოსახლეზე, მისი საპროგნოზო მოცულობა 2016 წლისათვის 9,208 ლარს, ხოლო 2017-2020 წლების საშუალო მოცულობა 11,704 ლარს შეადგენს.<sup>2</sup>



დიაგრამა 1: რეალური მშპ-ს ზრდის ტემპი, 2013-2020 წწ.




დიაგრამა 2: მშპ ერთ სულ მოსახლეზე, მლნ ლარი, 2013-2020წწ.

საბიუჯეტო ოფისის პროგნოზით, 2016 წლისათვის მოსალოდნელია მშპ-ს დეფლატორის 4.7%-მდე (იხ დიაგრამა #3), ხოლო სამომხმარებლო ფასების ინფლაციის 4.0%-მდე შემცირება (იხ დიაგრამა #4), რაც


<sup>1</sup> ფინანსთა სამინისტროს პროგნოზი გულისხმობს 2017-2020წწ. ძირითადი მონაცემებისა და მიმართულებების დოკუმენტით წარმოდგენილ საპროგნოზო მაჩვენებლებს, რომელიც საბიუჯეტო კოდექსის შესაბამისად 2016 წლის 1 ივნისს წარედგინა საქართველოს პარლამენტს.

<sup>2</sup> საქართველოს სტატისტიკის ეროვნული სამსახურის მიერ 2015 წელს მოსახლეობის მონაცემების განახლებასთან დაკავშირებით, პარლამენტის საბიუჯეტო ოფისმა შესაბამისად შეასწორა 2002-2014 წლის მოსახლეობის მონაცემების მწკრივი, რაც შესაბამისად იძლევა მშპ-ის ერთ სულ მოსახლეზე ფაქტიური მაჩვენებლების განსხვავებულ დონეებს.

შესაბამისად 1.4%-ლი და 1.2%-ლი პუნქტით ნაკლებია იანვარში გამოქვეყნებულ ანალოგიურ საპროგნოზო მაჩვენებლებზე. აღნიშნული შემცირება ძირითადად უკავშირდება ინფლაციური მოლოდინების შემცირებას, რაც უკვე გამოვლინდა მიმდინარე წლის იანვარ-მაისში. საშუალოვადიან პერიოდში, 2017-2020 წლებისათვის მშპ-ს დეფლატორის მოსალოდნელი საშუალო დონე 4.9%-ს, ხოლო სფი ინფლაციისათვის- 4.3%-ს შეადგენს.




დიაგრამა 3: მშპ-ს დეფლატორი, 2013-2020 წწ.




დიაგრამა 4: სფი ინფლაცია, პერიოდის საშუალო, 2013-2020 წწ.

მთლიანი შიდა პროდუქტის ცვლილების ერთ-ერთი მნიშვნელოვან განმაპირობებელ კომპონენტს მთლიანი ინვესტიციები წარმოადგენს, რომლის წყარო ეროვნული დანაზოგებია და რომელთა ცვლილება, თავის მხრივ, გავლენას ახდენს სხვა მნიშვნელოვან მაკროეკონომიკურ ცვლადებზე. საბიუჯეტო ოფისის პროგნოზით, კერძო ინვესტიციების მოცულობა 2016 წლისათვის მშპ-ის 26.5%-ს შეადგენს და 2017-2020 წლებისათვის მზარდი ტენდენციით ხასიათდება, ხოლო კერძო დანაზოგების %-ად მშპ-თან საპროგნოზო მოცულობა 2016 წლისათვის 17.2 % შეადგენს და ცვალებადი ტენდენციით ხასიათდება<sup>3</sup>.



დიაგრამა 5: კერძო ინვესტიციები %-ად მშპ-თან



დიაგრამა 6: კერძო დანაზოგები %-ად მშპ-თან


<sup>3</sup> შენიშვნა: საბიუჯეტო ოფისის კერძო ინვესტიციებისა და დანაზოგების პროგნოზები არ არის შედარებული ფინანსთა სამინისტროს მიერ გამოქვეყნებული იგივე მაჩვენებლების პროგნოზებს, განსხვავებული აღრიცხვის მეთოდოლოგიიდან გამომდინარე.

## ფისკალური სექტორი


ფისკალური გარემოს ანალიზისათვის მნიშვნელოვანია განხილულ იქნას ბიუჯეტის მთლიანი სალდოს (GFSM 2001) მოცულობა როგორც საშუალოვადიან, ასევე გრძელვადიან პერიოდში. პარლამენტის საბიუჯეტო ოფისის პროგნოზით, 2016 წლისათვის ნაერთი ბიუჯეტის მთლიანი სალდოს (GFSM 2001) მოსალოდნელი მოცულობა -1.5%-ს შეადგენს (იხ. დიაგრამა #7). ამასთანავე, საბიუჯეტო ოფისის პროგნოზით მთლიანი ფისკალური ბალანსის მაჩვენებელი (რომელიც ბიუჯეტის მუხლებით რეკლასიფიკაციით მიიღება) 2016 წლისათვის -3.4% შეადგენს (იხ. დიაგრამა #8).

აღნიშნული მაჩვენებლები მცირედით განსხვავდება BDD-ით განსაზღვრულ მაჩვენებლისაგან როგორც ნაერთი ბიუჯეტის საგადასახადო შემოსავლების, ასევე მთლიანი შიდა პროდუქტის განსხვავებული საპროგნოზო მაჩვენებლების გავლენით. კერძოდ, საბიუჯეტო ოფისის პროგნოზით, 2016 წლისათვის ნაერთი ბიუჯეტის საგადასახადო შემოსავლების მოცულობა 8,565 მლნ ლარს შეადგენს (იხ. ცხრილი #1), რაც ძირითადი მონაცემებისა და მიმართულებების დოკუმენტით(BDD) წარმოდგენილ პროგნოზზე მცირედით ნაკლებია.

ამასთან ყურადღება უნდა გამახვილდეს იმ ფაქტზე, რომ 2017 წლიდან ძალაში შედის მოგების გადასახადის რეფორმა, რომლის გავლენის შეფასება ეყრდნობა საბიუჯეტო ოფისის მიერ შემუშავებულ მოდელს და შესაძლებელია განსხვავდებოდეს ფინანსთა სამინისტროს შეფასებისგან.<sup>4</sup> რაც შეეხება ნაერთი ბიუჯეტის ხარჯვით ნაწილს, მოდელში საბაზისო სცენარად განსაზღვრულია ძირითადი მონაცემებისა და მიმართულებების დოკუმენტში განსაზღვრული ფისკალური გეგმა საშუალოვადიანი პერიოდისათვის (იხ. დიაგრამა #12).




დიაგრამა 7: ბიუჯეტის მთლიანი სალდო, %-ულად მშპ-თან, 2013-2020 წწ.



დიაგრამა 8: ბიუჯეტის ფისკალური ბალანსი %-ად მშპ-თან, 2013-2020 წწ.

<sup>4</sup> იხ. [საბიუჯეტო ოფისის პუბლიკაცია მოგების გადასახადის რეფორმის შესახებ](#).




	2016	2017	2018	2019	2020
საგადასახადო შემოსავლები	8565.1	8541.2	9583.1	10553.0	11406.1
პირდაპირი გადასახადები	3687.4	3304.3	3902.9	4379.0	4823.5
არაპირდაპირი გადასახადები	4877.7	5236.9	5680.2	6174.0	6582.5

დიაგრამა 9: საგადასახადო შემოსავლები 2016 წ.


ცხრილი #1: საგადასახადო შემოსავლები, მლნ ლარი, 2016-2020 წწ.

საბიუჯეტო ოფისის შეფასებით 2016 წლისათვის საგადასახადო შემოსავლების მოცულობა %-ად მშპ-თან 25%-ს შეადგენს და 2016-2020 წლებისათვის მშპ-ის მიმართ საშუალოდ 23.4%-ის ფარგლებში მოსალოდნელი (იხ. დიაგრამა #10).




დიაგრამა 10: საგადასახადო შემოსავლები %-ად მშპ-თან, 2013-2020 წწ.

დიაგრამა 11-ზე წარმოდგენილია მოგების გადასახადის პროგნოზი, რომელშიც გათვალისწინებულია 2017 წელს ზემოთ ნახსენები მოგების გადასახადის რეფორმის ზეგავლენა და შედარებულია საბიუჯეტო ოფისის მიერ იანვარში გაკეთებულ მაკროეკონომიკურ პროგნოზს 2016-2019 წლებისთვის (დიაგრამა 11). დამატებით უნდა აღინიშნოს ის გარემოება, რომ საბიუჯეტო ოფისის მიერ წარმოდგენილი მოგების გადასახადის პროგნოზში გათვალისწინებულია ის ფაქტიც, რომ 2019 წლის 1-ლი იანვრიდან განაწილებული მოგების გადასახადი შეეხება საფინანსო სექტორს.




დიაგრამა 11: მოგების გადასახადი, მლნ ლარი, 2015-2020 წწ.



დიაგრამა 12: ხარჯები და არაფინანსური აქტივების ზრდა, %-ულად მშპ-თან, 2012-2020წწ. წყარო: ფინანსთა სამინისტრო

ზემოაღნიშნული პროგნოზების გათვალისწინებით, საბიუჯეტო ოფისის შეფასებით, სახელმწიფო ვალის მოცულობა (%-ად მშპ-თან) 2016 წლისათვის 41.3%-ს შეადგენს.<sup>5</sup> ხოლო საშუალოვადიან პერიოდში მოსალოდნელია სახელმწიფო ვალის კლებადი ტენდენცია, ძირითადად საგარეო ვალის მოცულობის კლების გავლენით<sup>6</sup>.




დიაგრამა 13: სახელმწიფო ვალი, % მშპ-თან, 2012-2020 წწ.

<sup>5</sup> სახელმწიფო ვალის მოცულობა აღებულია ძირითადი მონაცემებისა და მიმართულებების (BDD) დოკუმენტიდან და მშპ-თან ფარდობის განსხვავებული მაჩვენებელი განპირობებულია ნომინალური მშპ-სა და მოსალოდნელი გაცვლითი კურსი განსხვავებული მაჩვენებლების გამო.

<sup>6</sup> სახელმწიფო ვალის მდგრადობის ანალიზი ცალკე მიეწოდება დაინტერესებულ მხარეებს.


## საგარეო სექტორი

პარლამენტის საბიუჯეტო ოფისის პროგნოზით, 2016 წლისათვის მოსალოდნელი მიმდინარე ანგარიშის დეფიციტი მშპ-ის 11.8%-ს, ხოლო ძირითადი მონაცემებისა და მიმართულებების დოკუმენტით (BDD) განსაზღვრული ანალოგიური მაჩვენებლის პროგნოზი მშპ-ის 11.0%-ს შეადგენს. საშუალოვადიან პერიოდში საბიუჯეტო ოფისის შეფასებით, მიმდინარე ანგარიშის დეფიციტის საშუალო მოსალოდნელი მოცულობა მშპ-ის 10.0%-ს უტოლდება.




დიაგრამა 14: მიმდინარე ანგარიშის ბალანსი, %-ულად მშპ-თან, 2013-2020წწ.

ამასთანავე აღსანიშნავია, რომ საბიუჯეტო ოფისის პროგნოზით, მიმდინარე წლისათვის სავაჭრო ბალანსის მოცულობა %-ად მშპ-თან -17.8%-ს უტოლდება და საშუალოვადიან პერიოდში მოსალოდნელია მისი ცვალებადი ტენდენცია. ხოლო ფინანსთა სამინისტროს მიერ წარმოდგენილი პროგნოზით, სავაჭრო ბალანსის მოცულობა %-ად მშპ-თან -16.2%-ს შეადგენს და 2017-2020 წლებისათვის მცირედით კლებადი ტენდენციით ხასიათდება.



დიაგრამა 15: სავაჭრო ბალანსი %-ად მშპ-თან, 2013-2020 წწ.


რაც შეეხება მიმდინარე ანგარიშის დეფიციტის დაფინანსების ერთ-ერთ წყაროს, საბიუჯეტო ოფისის პროგნოზით, 2016 წლისათვის წმინდა კერძო კაპიტალური და ფინანსური ნაკადების (ძირითადად მოიცავს უცხოური და სხვა ინვესტიციების წმინდა ნაკადებს) მოსალოდნელი მოცულობა 1,303 აშშ მლნ დოლარს შეადგენს და 2017-2020 წლებისათვის ზრდადი ტენდენციით ხასიათდება. ხოლო ფინანსთა სამინისტროს პროგნოზით, 2016-2020 წლებისათვის მოსალოდნელია წმინდა კერძო კაპიტალური და ფინანსური ნაკადების კლებადი ტენდენცია.




დიაგრამა 16: წმინდა კერძო კაპიტალური და ფინანსური ნაკადები, მლნ აშშ დოლარი, 2013-2020 წწ.

## მონეტარული სექტორი

საბიუჯეტო ოფისის პროგნოზით, 2016 წლისათვის ფულის მასის M3-ის %-ული ზრდა 15.9%-ს შეადგენს და 15,472 მლნ ლარს უტოლდება, რაც მცირედით აღემატება ფინანსთა სამინისტროს მიერ წარმოდგენილ პროგნოზს (იხ. დიაგრამა #17). ხოლო ფულის მასის M2-ის %-ული ზრდა 10.0%-ს შეადგენს და 6,338 უტოლდება, რაც მცირედით ნაკლებია ფინანსთა სამინისტროს პროგნოზთან შედარებით (იხ დიაგრამა #18).




დიაგრამა 17: ფულის მასა M3, % ზრდა, 2013-2020 წწ.




დიაგრამა 18: ფულის მასა M2, % ზრდა, 2013-2020 წწ.

საბიუჯეტო ოფისის პროგნოზით, 2016 წლისათვის მოსალოდნელია საერთაშორისო რეზერვების 4.5%-იანი ზრდა და შესაბამისად მისი მოცულობა 2,636 მლნ აშშ დოლარს (3.3 თვის იმპორტის ჯერადი), ხოლო 2017-2020 წლების საშუალო მოცულობა 3,351 მლნ აშშ დოლარს მიაღწევს (3.2 თვის იმპორტის ჯერადი).



დიაგრამა 19: საერთაშორისო რეზერვები, მლნ აშშ დოლარი, 2013-2020 წწ.

რაც შეეხება კერძო სექტორზე გაცემულ სესხებს, საბიუჯეტო ოფისის პროგნოზით, 2016 წლისათვის აღნიშნული მაჩვენებლის მოცულობა 18,194 მლნ ლარს შეადგენს, რაც მცირედით ნაკლებია ძირითადი მონაცემებისა და მიმართულებების დოკუმენტით(BDD) წარმოდგენილ პროგნოზთან შედარებით. თუმცა 2017-2020 წლებისათვის საბიუჯეტო ოფისის პროგნოზი აღემატება ზემო აღნიშნული დოკუმენტით წარმოდგენილ პროგნოზებს.



დიაგრამა 20: კერძო სექტორზე გაცემული სესხები, მლნ ლარი, 2013-2020 წწ

## დეტალური მაკროეკონომიკური პროგნოზები

	2013	2014	2015	2016	2017	2018	2019	2020
<b>რეალური სექტორი</b>	<b>%-ული ზრდა</b>							
რეალური მთლიანი შიდა პროდუქტი	3.32%	4.70%	2.78%	3.21%	4.58%	4.26%	5.15%	4.83%
სამომხმარებლო ფასების ინფლაცია	-0.5%	3.1%	4.0%	4.0%	3.7%	4.2%	4.6%	5.0%
მშპ-ს დეფლატორი	-0.7%	3.7%	5.8%	4.7%	5.1%	5.0%	4.8%	4.5%
<b>ნომინალური მთლიანი შიდა პროდუქტი</b>								
მილიონი ლარი	26,847	29,150	31,692	34,257	37,671	41,259	45,462	49,780
მილიონი აშშ დოლარი	16,131	16,498	13,941	15,248	17,123	20,629	22,731	24,890
<b>მშპ ერთ სულ მოსახლეზე</b>								
ლარი	7,143	7,870	8,534	9,208	10,126	11,090	12,220	13,380
დოლარი	4,292	4,454	3,754	4,098	4,603	5,545	6,110	6,690
	<b>% მშპ-თან</b>							
აბსორბცია	113.0%	117.5%	119.9%	117.7%	115.5%	115.0%	114.8%	115.8%
მოხმარება	88.2%	87.7%	87.7%	85.8%	84.0%	82.7%	81.9%	81.6%
კერძო	79.2%	78.6%	78.9%	77.3%	76.2%	75.5%	75.2%	75.4%
სახელმწიფო	9.0%	9.1%	8.9%	8.5%	7.8%	7.2%	6.7%	6.2%
ინვესტიციები	24.8%	29.8%	32.1%	31.9%	31.5%	32.3%	32.9%	34.2%
კერძო	19.6%	24.9%	26.5%	26.8%	26.6%	26.8%	27.3%	28.1%
სახელმწიფო	5.2%	5.0%	5.6%	5.2%	4.9%	5.4%	5.7%	6.0%
მთლიანი ეროვნული დანაზოგი	24.8%	29.8%	32.1%	31.9%	31.5%	32.3%	32.9%	34.2%
სახელმწიფო	3.6%	2.6%	3.4%	2.9%	2.1%	3.8%	4.9%	5.3%
კერძო	21.2%	27.2%	28.7%	17.2%	19.8%	18.4%	18.2%	18.2%
<b>ფისკალური სექტორი</b>	<b>% მშპ-თან</b>							
შემოსავლები და გრანტები	27.7%	27.9%	28.3%	27.6%	25.1%	25.4%	25.2%	24.8%
საგადასახადო შემოსავლები	24.8%	24.8%	25.3%	25.0%	22.7%	23.2%	23.2%	22.9%
პირდაპირი გადასახადები	11.2%	10.4%	11.3%	10.8%	8.8%	9.5%	9.6%	9.7%
არაპირდაპირი გადასახადები	13.6%	14.4%	14.0%	14.2%	13.9%	13.8%	13.6%	13.2%
<b>ხარჯები და არაფინანსური აქტივების ზრდა</b>	29.3%	30.2%	30.5%	29.9%	28.0%	27.1%	26.0%	25.5%
მიმდინარე ხარჯები	24.1%	25.3%	24.9%	24.8%	23.0%	21.7%	20.4%	19.4%
კაპიტალური ხარჯები	5.2%	5.0%	5.6%	5.2%	4.9%	5.5%	5.7%	6.0%
<b>საოპერაციო სალდო</b>	3.6%	2.6%	3.4%	2.9%	2.1%	3.8%	4.9%	5.3%
მთლიანი სალდო	-1.1%	-2.0%	-1.1%	-1.5%	-2.4%	-1.3%	-0.6%	-0.5%
<b>სახელმწიფო ვალი</b>	34.7%	35.7%	41.5%	41.3%	37.7%	34.3%	33.1%	32.2%
საგარეო	27.2%	26.8%	32.6%	32.6%	29.4%	26.4%	25.6%	25.0%
საშინაო	7.5%	8.8%	8.9%	8.7%	8.3%	7.9%	7.5%	7.2%
<b>ფისკალური ბალანსი</b>	-2.6%	-3.2%	-3.7%	-3.4%	-3.9%	-2.7%	-1.9%	-1.9%

	2013	2014	2015	2016	2017	2018	2019	2020
<b>მონეტარული სექტორი</b>	<b>%-ად მშპ-თან, თუ სხვა რამ არ არის მითითებული</b>							
წმინდა უცხოური აქტივები	4.5%	3.2%	7.0%	5.7%	5.7%	2.9%	2.4%	2.3%
წმინდა საშინაო აქტივები	32.2%	35.2%	35.1%	39.4%	42.7%	49.5%	54.9%	60.5%
ფართო ფული M3 (%-ული ზრდა)	24.5%	13.8%	19.3%	15.9%	17.9%	18.3%	20.8%	19.8%
ფართო ფული M2 (%-ული ზრდა)	33.2%	9.1%	-2.5%	10.0%	15.6%	15.5%	20.2%	18.2%
კერძო სექტორის დაკრედიტება (%-ული ზრდა)	18.5%	23.2%	19.4%	15.6%	17.2%	22.8%	19.9%	18.4%
<b>საგარეო სექტორი</b>	<b>%-ად მშპ-თან, თუ სხვა რამ არ არის მითითებული</b>							
მიმდინარე ანგარიშის ბალანსი	-5.8%	-10.6%	-11.7%	-11.8%	-9.7%	-10.0%	-9.8%	-10.5%
სავაჭრო ბალანსი	-12.9%	-18.1%	-20.4%	-17.8%	-16.0%	-16.5%	-14.8%	-15.8%
წმინდა კერძო კაპიტალური და ფინანსური ნაკადები (მლნ აშშ დოლარი)	954.4	1374.8	1810.3	1302.7	1348.7	1333.2	1447.9	1504.3
ოფიციალური საერთაშორისო რეზერვები (მლნ აშშ დოლარი)	2823.4	2699.2	2520.6	2635.9	2887.1	3157.0	3501.4	3857.3
იმპორტის ჯერადი	3.3	3.7	3.3	3.3	3.2	3.2	3.2	3.2

ცხრილი 1: ძირითადი მაკროეკონომიკური ინდიკატორების პროგნოზები.